

«Nizigier chella buna situaziun da partenza»

Fusiun cumejns da Surses

DA GION NUTEGN STGIER / ANR

■ **Betg egn digls otg cumejns ò detg NA a la fusiun. Schinavant tgi igl cumejns da Savognin sustigna igl project da fusiun pò an en meis la suprastanza transitorica cuntinuar cun la lavour ed elaborar la constituziun digl cumejns Surses.** Venderde seira ò igl suveran dad otg cumejns da Surses, cun excepziun digl cumejns da Savognin, fatg igl fundamaint pigl nov cumejns Surses. Igl 2006 era igl project da fusiun anc nia refuso cun deir igls cumejns da Cunter, Marmorera, Salouf, Sur e Tinizong-Rona NA alla fusiun. Per chella eran stos igls cumejns da Beiva, Mulejns, Riom-Parsonz e Savognin. Da lez taimp era igl quorum fixo uscheia tgi digls nov cumejns vessan aglmanc set gia d'acceptar igl contract da fusiun, chegl tgi è alloura betg sto igl cass. Cun ena participaziun da stgers 50% era igl interess per la votaziun da fusiun igl 2006 sto grond. Ossa venderde passo è chel cun stgers 40% sto considerabel pi bass er cun aver las otg vischnancas damanc persungas cujl dretg da votar tgi avant nov onns. Persiva è igl resultat da 336 EA cunter 71 NA da venderde passo sto ple tgi cler. Tenor igl contract da fusiun era igl quorum igl

suandont: aglmanc seis digls nov cumejns on da deir EA alla fusiun ed egn da chels cumejns ò dad esser u chel da Savognin u chel da Tinizong-Rona. Cun sustignair tots otg cumejns igl project da fusiun e cun esser tranter chels er igl cumejns da Tinizong davainta la fusiun an Surses realitad.

Tuttejna sto en po sursto

Damai è la sagonda amprova da reunair igls cumejns da Surses tar egn reuschaida e chegl scu. Da supponer è tgi tar chella decisiun è la raschung e la voluntad da votantas e da votants stada pi ferma tgi anc igl 2006 tar igl naufragi digl project da fusiun an Surses. Gian Sonder, igl mastral da Salouf, è da preschaint er president dall'Allianza digls mastrals da Surses è fitg cuntaint cun igls resultats dalla votaziun. Tgi dess gist en schi cler EA an chella moda vess el tuttejna betg cartia. «La sung tuttejna en po sursto tgi igl project da fusiun è nia sustignia e chegl ferm ainten tots chels otg cumejns», dei Gian Sonder. Tgi igl cumejns da Marmorera savess eventualmaintg refusar la fusiun era da specular, dantant scu tgi igl resultat conferma seia chegl ansomma beg sto igl cass e cuntont er plaschevel, manegia



Patric Vincenz è persuadia tgi igl sies cumejns dei an en meis er EA alla fusiun digls cumejns da Surses.



Cun plascheir peglia Gian Sonder cunaschientscha digls resultats positivs.

FOTOS G. N. STGIER

Cumejns	domber votants	EA	NA	Participaziun
Beiva	130	59	10	53,00%
Cunter	158	40	14	34,20%
Marmorera	33	9	2	33,30%
Mulejns	25	9	0	36,00%
Riom-Parsonz	258	70	7	29,80%
Salouf	171	64	12	44,40%
Sur	53	20	4	45,20%
Tinizong-Rona	232	65	22	38,40%
Total	1060	336	71	39,20%

igl pour e mastral da Salouf. Ossa spera Gian Sonder tgi igl cumejns da Savognin decida er a favour dalla fusiun, chegl tgi el dubitescha strousch ed alloura possa la suprastanza transitorica (tots nov mastrals) sa fatschentar cun la la constituziun digl nov cumejns Surses.

Persuvia tgi Savognin dei EA

Sa musso ventirevel digls resultats positivs da tots otg cumejns è er Patric Vincenz, igl mastral da Savognin.

«Chegl è en cler segn pigl avignair digl cumejns da Surses», dei igl capo communal dalla capitala da Surses. Patric Vincenz è cuntaint er cuntaint tgi betg ainten egn digls otg cumejns è ia piz a cup, mabagn tgi da Beiva anfignen Salouf èn igls resultats stos fitg clers. Migler savess la situaziun da partenza betg esser per la fusiun dalla Val, accentuescha igl mastral da Savognin. El dei pero er tgi

chella buna situaziun, chel segn plaschevel digls otg cumejns seia ossa da nizigier. Patric Vincenz è er persuadia tgi igl cumejns da Savognin decida an en meis da sa participar alla fusiun e chegl cun en cler EA. Igl resultat da 63 EA cunter 29 NA digl cumejns da Savognin da venderde seira da sottametter agl suveran la dumonda da fusiun conferma tgi er Savognin seia pront per fusiunar, dei Patric Vincenz.



RADIO

10.15 RADIONOVELA

Vita capita – episod 656

Per tgi èn ils daners?

Mintga mais van dad in conto daners sin in auter conto. Pajaments regulars na duessan atgnamain betg far surstar in banchier sco Remo Casty. Dentant exact quai fan quests pajaments. Ma tge pajaments?



Reschia: Michel Decurtins

14.03 ARTG MUSICAL (REP.)

Passiun en chant e musica dals Rumantschs

Per l'entschatta da l'emna sontga fa l'Artg musical in viadi tras la Passiun. Era cumponists rumantschs han mess metlegs dal patir e suffrir da Jesus Cristus



en musica. Nus udin cumposiziuns da: Alvin Muoth (Pater noster, Stabat mater e Via crucis), Peter Appenzeller (Die sieben letzten Worte Jesu am Kreuz) e Gion Antoni Derungs (Eis ei pusseivel, Tuttavia meriteivel, Sut la crusch la mumma steva, O crusch sil crest plantada, Denton che Jesus tut plagaus e Pater noster). Redacziun: Giuseppe G. Decurtins

15.03 LAS PERLAS (REP.)

Ils hits d'avant 50 onns!



L'onn 1965 è stà in onn cardinal en la musica pop. Qua be in pèr chavazzins: «I Cant Get No Satisfaction», «Help!», «Like a Rolling Stone», «I Got You Babe» - tut quellas ed anc dapli melodias ch'han conquistà las paradas mundialas d'avant in mez tschientaner èn d'udir en la rimnada da Las perlas.

Redacziun: Benedetto Vigne

19.00 LA STAILALVA

Musica ruassaviva

Musica patgifica sco fatga per l'emna sontga. Era en questa sparta datti in mantun hits e semperveds. Tranter auter tadlain nus «Sierra Madre», «Mutter Thereza», «Das Abendgebet der Berge», «Die Berge und der liebe Gott» euv.



Redacziun: Christa Soliva

20.03 MAGAZIN DA CULTURA (REP.)

Uorsin ni Ursli – in num va tras il mund

Il buob cun la plumpa, las chauschas in pau curtas e la chapitscha da tingalin, el è puspè fitg preschents. Actualmain

vegn numnadamain fatg in film dal fitg enconuschent cudesch d'uffants Grischnun, il cudesch da Selina Chözn ed Alois Carigiet. Chasper Pult ha per quest motiv tschernì Uorsin sco num dal mais ed el raquinta da l'istorgia d'Uorsin, sia muntada e las specificas atgnadads en las diversas translaziuns. Uschia ves'ins per exempel er, che Uorsin na mangia betg en mintga vallada rumantscha il medem.



En la «Litteratura» ans fatschentain nus questa giada cun comics rumantschs. Esther Krättli preschenta la reediziun d'ina collecziun dals comics da Paulin Nuotclà e lascha uschia reviver las figuras legendaras da Baldi, Niccal e Jaquan. Redacziun Esther Berther

TELEVISION

17.40 TELESIGUARD SIN SRF 1

L'emissiun d'infurmaziun sin SRF 1 cun suttitels tudestgs sin TXT 777 (rep. sin SRF info tranter las 18.00 – 22.00)

Vosses gratulaziuns al Radio Rumantsch

NUS GRATULAIN E GIUBILAIN...

LAS GRATULAZIUNS glindesdi fin dumengia, a las 13:00

LA CUPPINA glindesdi fin venderdi, a las 09:05 sonda e dumengia, a las 10:05

RTR Radiotelevision Svizra Rumantscha

INA PURSCHIDA DIGITALA CUN VIDEOS ED EMISSIONS DA LA REGION

www.rtr.ch/play

PLAY RTR

RADIO RUMANTSCH

- 00.00 SRF novitads
- 00.05 Grischnun sonor
- 01.00 SRF novitads
- 01.05 Sat R classica
- 03.00 SRF novitads
- 03.05 Grischnun sonor
- 04.00 SRF novitads
- 04.05 Musica populara
- 05.00 SRF novitads
- 05.05 Musica populara
- 06.00 Novitads
- 06.06 Actual la damaun
- 06.30 Novitads
- 06.40 Impuls dal di cun Silvio Camenisch
- 06.50 Revista da medias/Meteo
- 07.00 Novitads
- 07.06 Actual la damaun
- 07.30 Novitads
- 07.40 Kikeri6
- 07.50 Revista da medias/Meteo
- 08.00 Novitads
- 08.06 Actual la damaun
- 08.30 Novitads
- 08.40 Il chavazzin dal di
- 09.00 Novitads
- 09.05 La coppina
- 09.15 Chalender
- 09.30 La truvaglia
- 09.45 Tge chaussas
- 10.00 Novitads
- 10.15 Radionovela
- 10.30 Famus e glorius
- 10.55 Rep. Impuls dal di
- 11.00 Novitads
- 11.03 Actual da mezdi
- 11.15 Co e cum
- 11.30 Novitads
- 11.45 Total local
- 12.00 Novitads
- 12.06 Actual da mezdi e RTR cumpact a mezdi
- 12.25 Prevista Telesguard
- 12.30 SRF Rendez-vous
- 13.00 Las gratulaziuns
- 14.00 Novitads
- 14.03 Rep. Artg musical
- 15.00 Novitads
- 15.03 Rep. Las perlas
- 16.00 Novitads
- 16.03 Semperveds / Top 3
- 16.30 Program da kino
- 16.50 Prevista Telesguard
- 17.00 Novitads
- 17.06 Actual la saira
- 17.50 Meteo
- 18.00 Novitads
- 18.06 RTR cumpact – survista dal di
- 18.15 SRF Echo der Zeit
- 19.00 La stailalva
- 20.00 Novitads
- 20.03 Rep. Magazin da cultura
- 21.00 Novitads
- 21.03 Musica
- 22.00 Novitads
- 22.03 Musica
- 23.00 Novitads
- 23.03 Grischnun sonor